

濫收拾

案幼石署

廿二年
癸未夏月

安步當車

至星渡覽車不得步行還家。兩足疲甚。古人云安步
當車。似安步時有至樂存焉。不知此騙人語也。細玩
當之一字。則知心中本有歆羨之意。求之不深不深
而思其次。乃曰以某項當之。究竟算不深真也。假如
凡事皆可當。吾將以泥塑人物當美人。牛乳確當木
壳。商標當紅雞公。而何嘗不可自鳴得意。但我以為
可當。社會上却未必肯認我之以彼當此也。余在路

上想。起。余步並不粗。然脚酸氣喘。究不如坐車之安。
適。乃知古人於歆羨之餘。故作傲然自足之語。以自
慰。如飯疏飲水。曲肱而枕。樂在其中。云云。皆安步當
車。作退一步想之意也。且人生欲望。萬無滿足時。祇
好有當之之法。以善自排遣。不然。世人皆喜美。人木
壳。紅雞公。其如美人木壳。紅雞公之不數分。配未能
每人而悅之何也。

壬申十一月

做黨

辛巳十月初三日

王湘綺云無名利以招致人則不能有黨徒故知必握有名利之實權者乃可為黨魁陳石遺開說詩社風雅之士廣集焉然依附風雅廁石遺弟子之列者而求名者亦實繁有徒如陳三才之入社以名也非為說詩也為求薦書而未也蓋石遺之女望尚為當世所推重一紙八行批在政界總有多少力量也迄今之野心家不自量力度勢輒欲召徒黨而自命為黨之領袖而思自己有若干名利豈分潤黨徒否耶蘇達如曾一度分派手下嘵嘵掌有党政軍之實權而自

已站在莆師地位指揮一切竟謂任清一色自由黨旗幟下所管領之莆田
讓老蘇以獨步矣孰料分昨不均內訌特起嘍囉自擾統率無方而老蘇
自動^出費不管戒同事之戒條黏在壁上蓋即名利不足以招致人遂至自塌其
台也至若黃俊英以青年團名義而想做學界領袖黃涵生以涵江商
會之財源想壓倒全莆獨伯一方甚不自揣度妄冀非分如三尺兒童與
壯士角力其不敵也自屬意中事耳更為王湘綺之不屑齒及也

女子之價值

女子輩稱為賠錢貨貧家得了女子因為賠不起辦妝奩的錢往、溺女此五十年前事也至民十五間女子身價忽高漲至七八百金中人之家以聘金办妝奩略足相抵貧家則并可賺錢故此時要買婢（十歲下）非四五百金不辦可以知女子之價值矣抗戰以來價日昂學界之教職員政界之公務員至不能養一老婆而貧乏無恒產者以自給自養為难不敢谈及

娶婦而養之。家幾於無人過問矣。不料客歲至今。聘金又不期然而然。
的向上回漲。通常之價。二三千貴者。或以萬計。不上三年。女子身價。
至於如是之差。男子更無成家之希望矣。以聘金與婚費苦無。
所出也。然聘金愈貴。而養女者。仍是賠錢帳。被箱篋及办妝。
之門面。祇求女子上轎。略稱意。便須破費數千金。而衣飾之值。
更不可估計矣。故知受大聘金者。其所賠之錢。亦大長此以往。恐。
溺女之風。將日盛一日也。

此去年九月所記。今年更貴至萬以上。或二三萬數。亦可驚矣。
癸未五月十二日記

從前之塾師

八股時代老師宿儒設館授徒所授生徒至多者過二十人以改削八股文非可草率了事每人月課三篇每月共六篇按日須改兩篇方可應付下去稍有疏懈便積壓不開故塾師之於課文往往吃下教和尚之吞住吃下肚子裡去而脩金又非常菲薄年間所得不及二百金生徒又非孔門弟子未肯自行束脩屢索不還甚矣師之難為也有林陶璋者老明經也性極古板而看錢極重每索脩金聲色俱厲倘不如期交納輒麾之

門外某身林榜橫額文明利見四字於館門蓋謂課文既不賒欠脩金而要現不賒也師道等於市道此塾師之所以倒楣也腐則化亦自然之理也

林鍾鑄號劍農精於制藝利不試而不試利於鄉闈僅以明經終館後甚感每逢三六九講章之期生徒圍繞前後左右側身傾聽講畢而退師生不交一言弟子或清益質疑有問必答亦問其姓名也講章之外終日伏案改削課文兩餐退入後堂飯畢即出就座做功課不遑他務也改文少者稿在上面者為先

改畢而祇置之案上并不當面書還絕不知為誰氏之文也弟子
伺先生退後坐吃飯時走上師座認取原文而書并將新製文
稿置之案上文稿堆中先生出來就按次序逐篇改下去儼如磨在下頭
的是積月累日不會輪到的因此及門弟子每將文稿托諸先生之家
僕俟先生飯後將出鋪在文稿堆上面便可得即日批改之益否則
一年不會輪到幾回至於脩金皆由師母經收先生并不過問即
弟子進學時登堂拜師林先生而坦然受之絕不記何年何月在門
下受業也謝禮而不計較故從游者甚眾是真所謂為教育

而教育非因為吃飯而教育也

先輩謂林鐘鑄林在前及吾師陳其琛文名甚噪均因設館授徒
脩金所得無幾却失掉了一個舉人因為小試之文以輕清靈為
貴與墨卷俾裁不同小題做到滑了大題便不能開展此諸先
生之所以不中也然科名亦若有命焉劍農制藝余未嘗經
目祇聞其名而已林在前之八股文余在十五六歲時已熟讀之
約有數十篇空靈圓滑以博一衿而有餘以捷秋闈而不足其
不中也却不算受屈若吾師叔瑩先生則才冠枉以文藝

較之實勝林在前十倍也。然吾師雖不中舉，却中過優貢，亦可稍償其願矣。乃竟病歿，浙江差次享年未及五十，身後又鮮蓄積，命實為之非設館之咎也。

按位前塾師有頭腦冬烘之嘲，其為去所憎嫌也久矣。記得有

累塔格打油詩兩首：齋秀才，假痴騷，一叫就来吃食沒嫌呆。

奉承東君奶，此子定是杜狀元才。
脛 音羅 不着學。

好睏好倒脩金隨時討，挖苦東君奶，此子定是不曾哥。
不曾

甫語謂沒 兩詩形容東君對於塾師好壞之批評，然皆含
出息也

有尖刻之意。壞者不必說。即彼之所謂好者。亦如生理家之
以價廉物美為要。非待師之誠意也。然亦師自取之也。當時
館地之難找。幾與今日之找教員。飯吃相等。故有菊老黃
先生忙之語。又有萬二千五百人為師。其徒數十人之趣談。師
之為道不尊。故人之視之也賤。林陶璋授徒甚眾。招牌甚
佳。然索脩金稍緊。即貽命求現。不賒行。同市僧之嘲若
其他更無論矣。若劍農與村堂師。則當時之鳳毛麟角。
殊不多得也。癸未五月十二日識

搬家

在疏散時搬家的情形看起來就知道物無論貴賤看各人之環境而貴賤之張治如之搬家書籍多至十數担則其視書籍猶寶物也有的搬小雞搬破棉搬飯碗箸則其視小雞破棉碗箸猶重貨也昨有人挑一箱出東門重若不勝守城兵令其啓鑰檢查他堅不肯披露若恐遺失或嘗覺者然兵疑其有違禁品卒強制開之則皆廢銅爛鉄也兵叱之耶此物亦

要搬家耶他處家中祇有此物急時亦可換錢供朝
夕不搬何以為活兵皆笑余聞而躑之富貴家有珠
玉錦繡則必不搬及銅鉄彼無珠玉錦繡可搬者則
銅鉄即其貴重品也故知人各有所愛愛珠玉錦繡
與愛廢銅爛鉄其心理一也不得以其價之貴賤而
定去取之標準

戊寅四月十九日

好官

莆田各界電省挽留林縣長已邀劉主席照准地方
上得此好官當然欣慰林縣長受人民之愛戴更當
勤求治理以登斯民於衽席之上而紀姓名於循良
傳之中也

好官不易得做好官而大不易余所見縣令夥矣能
當此二字而無愧者實絕無而僅有林夢飛治莆年
餘叫好之聲不絕余謂辦吳慶盛一案似未到絕好

一
處也慶盛老檢吳正逵以囤積洋油一百九十六箱
得奸商罪名卒至伏法二百箱洋油之囤積誠為有
罪然等而上之囤積二千三千筒者將寸磔不足以
蔽其辜城中豈乏其人何以色容不問耶夢飛固曰
借吳正逵之頭以儆其餘頭可借何不借比吳正逵
囤積更多十倍者之頭以示儆耶此案未免失之酷
雖然警察局周內成獄夢飛失察而偏聽遂致鑄成
此錯耳但夢飛不逾時即自知其錯以後遇事審慎